

欽定史記

卷八
之十
二

史記卷八

漢 太 史 令司馬遷 撰

宋中郎外兵曹參 軍裴 駟集解

唐國子博士弘文館學士司馬貞索隱

唐諸王侍讀率府長 史張守節正義

高祖本紀第八

高祖

集解駟案漢書音義曰諱邦張晏曰禮諡法無高以爲功最高而爲漢帝之太祖故特起名馬沛

豐邑中陽里人姓劉氏

集解李斐曰沛小沛也劉氏隨魏徙大梁移在豐居中陽里孟

康曰後沛爲郡豐爲縣索隱按高祖劉累之後別食邑於范土會之裔留秦不反更爲劉氏劉氏隨魏徙大梁後居豐今言姓劉氏者是左傳天子建德因生以賜姓昨之士命之氏諸侯以字爲諡因以爲族說者以爲天

子賜姓命氏諸侯命族族者氏之別名也然則因生賜姓若舜生姚墟以爲姚姓封之於虞卽號有虞氏是也若其後子孫更不得賜姓卽遂以虞爲姓云姓虞氏今此云姓劉氏亦其義也故姓者所以統繫百代使不別也氏者所以別子孫之所出又系本篇言姓則在上言氏則在下故五帝本紀云禹姓姒氏契姓子氏棄姓姬氏是也按漢改泗水爲沛郡字季索隱按漢書名邦字治相城故注以沛爲小沛也字季索隱按漢書名邦字疑按漢高祖長兄名伯次名仲不見別名則季亦是名也故項岱云高祖小字季卽位易名邦後因諱邦不諱季所以季父曰太公索隱皇甫謐云名執嘉王符云太布猶稱姓父曰太公上皇名煇與湍同音正義春秋握成圖云劉媪夢赤鳥母曰劉媪集解文穎曰幽州及漢如龍戲已生執嘉中皆謂老嫗爲媪孟庚曰長老尊稱也左師謂太后曰媪愛燕后賢長安君禮樂志地神曰媪媪母別名也音烏老反索隱韋昭云媪婦人長老之稱皇甫謐云媪蓋姓王氏又據春秋握成圖以爲執嘉妻含始遊洛池生劉季詩含神霧亦云姓字皆非正史所出蓋無可取今近有人云母溫氏貞時打得班固泗水亭長古碑文其字分明作溫字云母溫

氏貞與賈膺復徐彥伯魏奉古等執對反覆沉歎古人未聞聊記異見於何取實也孟康注地神曰媼者禮樂志云后土富媼張晏云坤爲母故稱媼也正義帝王世紀云漢昭靈后含始游洛池有寶雞銜赤珠出炫日后吞之生高祖詩含神霧亦云含始卽昭靈后也陳留風俗傳云沛公起兵野戰喪皇妣於黃鄉天下平定使使者以梓宮招幽魂於是丹蛇在水自酒躍入梓宮其浴處有遺髮謚曰昭靈夫人漢儀注云高帝母起兵時死小黃城後於小黃立陵廟拈地志云小黃故城在汴州陳留縣東北三十三里顏師古云皇甫謐等妄引讖記好奇騁博強爲高祖父母名字皆非正史所說蓋無取焉寧有劉媪本姓實存史遷肯不詳載卽理而言斷可知矣其先劉媪嘗息大澤之陂夢與神遇是時雷電晦冥

太公往視則見蛟龍於其上

索隱按詩含神霧云赤龍威女媼劉季興又廣雅云

有鱗曰蛟龍

已而有身遂產高祖高祖爲人隆準而龍顏

集解

服虔曰準音拙應劭曰隆高也準頰權準也顏頰頰也齊人謂之頰汝南淮泗之間曰顏文穎曰準鼻也索隱

始皇蜂目長準蓋鼻高起文穎說是高祖美須髯左股感龍而生故其顏貌似龍長頸而高鼻

有七十二黑子

正義河圖云帝劉季口角戴勝斗胃龜背龍股長七尺八寸握成圖云赤帝體

爲朱鳥其表龍顏多黑子按左陽也七十二黑子者赤帝七十二日之數也木火土金水各居一方一歲三百六十日四方分之各得九十日土居中央並索四季各十八日俱成七十二日故高祖七十二黑子者應火德七十二日之徵也有一本七十日者非也

許北人呼爲鷹子吳楚謂之誌誌記也

仁而愛人喜

施

正義喜許記反施尸跂反

意豁如也

集解服虔曰豁達也

常有大度不事家

人生產作業及壯試爲吏

集解應劭曰試補吏

爲泗水亭長

正義秦法

十里一亭十亭一鄉亭長主亭之吏高祖爲泗水亭長也國語有寓室卽今之亭也亭長蓋今里長也民有訟諍吏留平辨得成其政括地志云泗水亭在徐州沛縣東一百步有高祖廟也

狎侮好酒及色常從王媼武負貫酒

集解韋昭曰貫賂也索隱鄒誕生貫

音世與字林聲韻並同又音時夜反廣雅云貫賒也說文云貫賁也臨淮有貫陽縣漢書功臣表貫陽侯劉繯而此紀作射陽則貫亦射也醉臥武負王媪見其上常有龍怪之高

祖每酤留飲酒讎數倍集解如淳曰讎亦售索隱樂彥云借讎爲售蓋古字少假借耳

今亦依字讀蓋高祖大度及見怪歲竟此兩家常折券既賞飲且讎其數倍價也

棄責索隱周禮小司寇聽稱責以傳別鄭司農云傳別券書也鄭元云傳別謂大手書於札中而別之也

然則古用簡札書故可高祖常繇咸陽集解應劭曰繇折至歲終總棄不責也役也索隱韋昭

云秦所都武帝更名渭城應劭云今長安也按關中記云孝公都咸陽今渭城是在渭北始皇都咸陽今城南

大城是也名咸陽者山南曰陽水北亦曰陽其縱觀觀地在渭水之北又在九嶷諸山之南故曰咸陽

秦皇帝正義包愷云上音館下音官恣意故縱觀也喟然太息曰嗟乎大丈夫

當如此也單父人呂公集解駢案漢書音義曰單音善父音斧索隱韋昭云單父

乾隆四年校刊

縣名屬山陽崔浩云史失其名但舉姓而言公又按漢舊儀云呂公汝南新蔡人又相經云魏人呂公名文字叔平也善沛令避仇從之客因家沛焉沛中豪傑吏聞令

有重客皆往賀蕭何爲主吏

集解孟康曰主吏功曹也

主進

集解文

賦歛禮進爲之帥案隱鄭氏云主賦歛禮錢也顏師古曰進者會禮之財字本作賁聲轉爲進宣帝數負進義

與此令諸大夫曰正義曰大夫客

進不滿千錢坐之堂

下高祖爲亭長素易諸吏乃給爲謁曰賀錢萬實不持

一錢

集解應劭曰給欺也音殆案隱韋昭云給詐也劉氏云給欺負也何休云給疑也謂高祖素狎易諸

吏乃詐爲謁謁謂以札書姓名若今之通刺而兼載錢穀也

謁入呂公大驚起迎之

門呂公者好相人見高祖狀貌因重敬之引入坐蕭何

曰劉季固多大言少成事高祖因狎侮諸客遂坐上坐

正義上在果反下在臥反無所詘**正義**音丘忽反**酒闌**集解文穎曰闌言希也謂飲酒者半罷半

在謂呂公因目固留高祖正義不敢對衆顯言故目動而留之**高祖竟酒**

後呂公曰臣少好相人集解張晏曰古人相與語多自稱臣自卑下之道若今人相與

語皆自稱僕相人多矣無如季相願季自愛臣有息女正義息生

也謂所生之女也願為季箕帚妾酒罷呂媼怒呂公曰公始常

欲奇此女與貴人沛令善公求之不與何自妄許與劉

季呂公曰此非兒女子所知也卒與劉季呂公女乃呂

后也生孝惠魯元公主集解服虔曰元長也食邑於魯韋昭曰元諡也**正義**漢帝制女

曰公主儀比諸侯姊妹曰長公主儀比諸侯王高祖為亭長時

諸侯王姑曰大長公主儀比諸侯王常告歸之田集解服虔曰告音如嗶呼之嗶李斐曰休謁之名也吉日告凶曰寧孟康曰古者名

吏休假曰告告又音畧漢律吏二千石有予告賜告予告者在官有功最法所當得者也賜告者病滿三月當免天子優賜復其告使得帶印綬將官屬歸家治疾也索隱韋昭云告請歸乞假也音告語之告戰國策曰商君告歸延篤以爲告歸今之歸寧也劉伯莊顏師古並音古篤反服音如嗶呼之嗶按東觀漢記田邑傳云邑年三十歷卿大夫號歸罷厭事少所嗜欲尋號與嗶同古者當有此語今服虔雖據田邑號歸亦恐未爲得然此告字當音誥誥號聲相近故後告歸號歸遂變也

呂后與兩子居田中耨有一

老父過請飲呂后因舖之

正義必捕反以食飼人也父本請飲呂后因飼之國語云

國中童子無不舖

老父相呂后曰夫人天下貴人令相兩子見

孝惠曰夫人所以貴者乃此男也相魯元亦皆貴老父已去高祖適從旁舍來呂后具言客有過相我子母皆大貴高祖問曰未遠乃追及問老父老父曰鄉者夫人

嬰兒皆似君君相貴不可言高祖乃謝曰誠如父言不

敢忘德及高祖貴遂不知老父處高祖爲亭長乃以竹

皮爲冠令求盜之薛治之

集解應劭曰以竹始生皮作冠今鵲尾冠是也求盜者舊

時亭有兩卒其一爲亭父掌開閉掃除一爲求盜掌逐捕盜賊薛魯國縣也有作冠師故往治之

索隱應劭云

一名長冠側竹皮裏以縱前高七寸廣三寸如板又蔡邕獨斷云長冠楚製也高祖以竹皮爲之謂之劉氏冠司馬彪輿服志亦以劉氏冠爲鵲尾冠應劭云舊亭卒名弩父陳楚謂之亭父或云亭部淮泗謂之求盜也

時時冠之

正義音館

及貴常冠所謂劉氏冠

正義音官顏師古云後號爲劉

氏冠其後詔曰爵非公乘以上不得冠劉氏冠卽此

乃是也高祖以亭長爲縣送

徒酈山徒多道亡自度比至皆亡之

正義度田洛反此必寐反

到豐

西澤中止飲夜乃解縱所送徒曰公等皆去吾亦從此

逝矣徒中壯士願從者十餘人高祖被酒

正義被

夜徑

澤中

索隱舊音經按廣雅云徑小道音古定反言酒後放徒夜徑行澤中不敢由正路且從小徑

令

一人行前

正義行音下孟反

行前者還報曰前有大蛇當徑

索隱

鄭玄云步道曰徑

願還高祖醉曰壯士行何畏乃前拔劍擊斬

蛇

索隱漢舊儀云斬蛇劍長七尺又高祖云吾以布衣提三尺劍取天下二文不同者崔豹古今注當高祖

爲亭長理應提三尺劍耳及貴當別得七尺寶劍故儀因言之正義按其蛇大理須別求是劍斬之三尺劍者

常佩之劍括地志云斬蛇溝源出徐州豐縣中平地故老云高祖斬蛇處至縣西十五里入泅水也蛇遂

分爲兩

索隱謂斬蛇分爲兩段

徑開行數里醉因臥後人來至蛇

所有一老嫗夜哭人問何哭嫗曰人殺吾子故哭之人

曰嫗子何爲見殺嫗曰吾子白帝子也化爲蛇當道今

爲赤帝子斬之

集解應劭曰秦襄公自以居西戎主少昊之神作西時祠白帝至獻公時櫟陽

雨金以爲瑞又作畦時祠白帝少昊金德也赤帝堯後謂漢也殺之者明漢當滅秦也秦自謂水漢初自謂土皆失之至光武乃改定**索隱**按太康地理志云時在櫟陽故城內其時若畦故曰畦時畦音戶圭反應註云秦自謂水者按秦文公獲黑龍命河爲德水是也又按春秋合誠圖云水神哭子衰敗宋均以爲高祖斬白蛇而神母哭則此母水精也此皆謬說又註云至光武乃改者謂改漢爲火德秦爲金德與兩金及赤帝子之理合也故哭人乃以嫗爲不誠欲笞之

集解徐廣曰一作苦**索隱**說文云笞擊也

漢書作苦謂欲困辱之

嫗因忽不見後人至高祖覺

索隱包愷伯莊音古孝反

後人告高祖高祖乃心獨喜自負

集解應劭曰負恃也**索隱**晉灼云自恃斬

蛇事諸從者日益畏之秦始皇帝常曰東南有天子氣於

是因東游以厭之

索隱厭音一涉反又一冉反廣雅云厭鎮也

高祖卽自疑

亡匿隱於芒碭山澤巖石之間

集解徐廣曰芒今臨淮縣也碭縣在梁駟按應

劭曰二縣之界有山澤之固故隱於其間也正義括地志云宋州碭山縣在州東一百五十里本漢碭陽縣也

碭山在

縣東

呂后與人俱求常得之高祖怪問之呂后曰季

所居上常有雲氣

正義顏師古曰京房易兆候云何以知賢人隱四方常有太雲五色具而

不雨其下有賢人隱矣故呂后望雲氣而得之

故從往常得季高祖心喜沛中

子弟或聞之多欲附者矣秦二世元年

集解徐廣曰高祖時年四十八

子稱二世崔浩云二世始皇子胡亥又按善文稱隱士

云趙高爲二世殺十七兄而立爲王則二世是第十八子也

秋陳勝等起斬至陳而

王號爲張楚

案隱斬縣名屬沛音機又音祈

諸郡縣皆多殺其長吏以

應陳涉沛令恐欲以沛應涉掾主吏蕭何曹參

案隱按漢書蕭

曹傳參爲獄
據何爲主吏

乃曰君爲秦吏今欲背之率沛子弟恐不

聽願君召諸亡在外者可得數百人因劫衆

說文云以力脅

之衆不敢不聽乃令樊噲召劉季劉季之衆已數十百

人矣

漢書作數百人劉伯莊云數十人或至百人則是百人已下也

於是樊噲從劉

季來沛令後悔恐其有變乃閉城城守欲誅蕭曹蕭曹

恐踰城保劉季

集解韋昭曰以爲保鄣

劉季乃書帛射城上謂沛

父老曰天下苦秦久矣今父老雖爲沛令守諸侯並起

今屠沛

范曄謂剋城多所誅殺故云屠

沛令共誅令擇子弟可立者

立之以應諸侯則家室完不然父子俱屠無爲也父老

乃率子弟共殺沛令開城門迎劉季欲以爲沛令劉季

曰天下方擾諸侯並起今置將不善壹敗塗地

索隱言一朝破

敗使肝腦塗地

吾非敢自愛恐能薄

正義能才能也高祖謙言才能薄劣不能完全其衆

能者獸形色似熊足似鹿爲物堅中而強力人之有賢才者皆謂之能也

不能完父兄子弟

此大事願更相推擇可者蕭曹等皆文吏自愛恐事不

就後秦種族其家盡讓劉季諸父老皆曰平生所聞劉

季諸珍怪當貴且卜筮之莫如劉季最吉於是劉季數

讓衆莫敢爲乃立季爲沛公

集解徐廣曰九月也黜按漢書音義曰舊楚僭稱王

其縣宰爲公陳涉爲楚王沛公起應涉故從楚制稱曰公

祠黃帝祭蚩尤於沛庭

應劭曰左傳曰黃帝戰於阪泉以定天下蚩尤好五兵故祠祭之求福祥也瓚曰管仲云葛盧山交而出水金

從之出蚩尤受之以作劍戟索隱按管子云葛盧之山發而出金今注引發作交誤也

而釁鼓

應劭曰釁祭也殺牲以血塗鼓曰釁釁曰按禮記及大戴禮有釁廟之禮皆無祭事案隱說文云釁血祭也司

馬法曰血于鼙鼓者神戎器也顏師古曰殺牲以血祭者皆名爲釁臣瓚以爲皆無祭事非也又古人新成鍾

鼎亦必釁之應劭曰釁呼爲豐馬融註周禮灼龜之兆云謂其象似玉瓦原之釁墟是用名之此說皆非墟音

火稼反旗幟皆赤案隱墨翟云幟帛長丈五廣半幅字詰云幟標也字林又云熊旗五旂謂與士

卒爲期於其下故曰旗也幟或作識或作志嵇康音試蕭該音熾由所殺蛇白帝子殺

者赤帝子故上赤於是少年豪吏如蕭曹樊噲等皆爲

收沛子弟二三千人攻胡陵方與集解鄭德曰音房豫屬山陽郡案隱鄧展

曰胡陵縣名屬山陽章帝改曰胡陵還守豐秦二世二年陳涉之將周章

軍西至戲而還案隱應劭云章字文陳人文穎云戲在新豐東二十里戲亭北孟康云水名也

又述征記云戲水自驪山馮公谷北流歷戲亭東入渭按今其水東惟有戲驛存還謂爲章邯所破而還邯音

乾隆四年校刊

酺 燕趙齊魏皆自立爲王

索隱按漢書高紀二世二年八月武臣自立爲趙主田儼

自立爲齊王韓廣自立爲燕王魏咎自立爲魏王

項氏起吳秦泗川監平

集解文穎

曰泗川今沛郡也高祖更名沛秦時御史監郡若今刺

史平名也索隱如淳云秦并天下爲三十六郡置守尉

監故此有監平下有將兵圍豐二日出與戰破之命雍

守壯則平壯皆名也將兵圍豐二日出與戰破之命雍

集解如淳曰壯名也

戚音將毒反

索隱

晉灼云東海縣也鄭德包愷並如字

讀李登音千笠反正義括地志云沂州臨沂縣有漢戚

縣故城地理志云

沛公左司馬得泗川守壯殺之

索隱顏師

臨沂縣屬東海郡

沛公左司馬得泗川守壯殺之

索隱顏師

古云得司馬之名非也按後云左司馬曹無傷自此已下更不見替易處蓋是左司馬無傷得泗川守壯而殺

之沛公還軍亢父

集解鄭德曰亢音人相亢答父音甫

屬任城郡索隱舊音剛劉伯莊包愷

並音苦浪反

正義

音剛又苦浪反括

地志云亢父縣也沛公屯軍於此

至方與周市來攻